

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA SREBRENİK**  
**- Općinski načelnik-**

Broj: 07-3194/17

Datum, 26. 10. 2017. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 7/16), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-3194/17 od 26.10.2017. godine, u postupku javne nabavke Terenskog motornog vozila za potrebe općine Srebrenik, je d o n i o:

**O D L U K U**  
**O IZBORU PONUĐAČA**

**I**

Prihvata se preporuka Komisije za javnu nabavku, broj: 07-3194/17 od 26.10.2017. godine i Ugovor za javnu nabavku **Terenskog motornog vozila za potrebe općine Srebrenik**, dodjeljuje se ponuđaču **LADA AUTO DOO Banja Luka**, ponuda broj: 1063/17 od 18.10.2017. godine, za ponuđenu cijenu od **21.495,00 KM sa PDV-om** kao prihvatljivu.

**II**

Ova odluka objavit će se na web-stranici **www.srebrenik.ba** istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke broj: 07-3194/17 od 11.10.2017. godine.

Javna nabavka je sprovedena Konkurentskim zahtjevom za dostavu ponuda broj: 07-3194/17 od 11.10.2017. godine.

Procijenjena vrijednost javne nabavke bez PDV-a je 14.269,23 KM.

Obavještenje o nabavci broj: 761-7-1-100-3-67/17 poslato je na objavljivanje dana 11.10.2017. godine, a objavljeno je na Portalu javnih nabavki dana 11.10.2017. godine.

Komisija za javnu nabavku imenovana je Rješenjem broj: 07-3194/17 od 11.10.2017. godine.

Ponudu po Konkurentskom zahtjevu za predmetnu nabavku je dostavio slijedeći ponuđač:

1. LADA AUTO DOO Banja Luka, u ukupnom iznosu od 18.371,79 KM bez PDV-a.

U prvom dijelu rada Komisije, konstatovano je da je, blagovremeno, pristigla jedna pravilno zatvorena ponuda. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljene ponude, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponude ponuđača **LADA AUTO DOO Banja Luka**, Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Ugovorni organ je u konkretnom postupku javne nabavke odredio procijenjenu vrijednost nabavke u iznosu od 14.269,23 KM bez PDV-a. U Planu javnih nabavki općine Srebrenik za 2017. godinu, procijenjena vrijednost za nabavku vozila iznosi 21.367,52 KM bez PDV-a, i ista sredstva su planirana u budžetu općine Srebrenik za 2017. godinu.

Prilikom određivanja procijenjene vrijednosti za konkretnu nabavku vozila u ovom postupku javne nabavke, Služba se rukovodila cijenama od prije nekoliko godina, kada je Općina nabavila isto vozilo za svoje potrebe.

Poslije otvaranja ponuda, ugovorni organ je ispitao tržišne cijene vozila istih karakteristika kao onih datih u ponudi, i konstatovano je da su cijene vozila navedenih karakteristika iste kao cijena koju je ponuđač dostavio u ponudi (pribavljene su tri ponude).

Takođe smo provjeravajući tržište došli do saznanja da su u skorije vrijeme Vlada Zeničko-dobojskog kantona i Vlada Srednjobosanskog kantona (obveznici primjene Zakona o javnim nabavkama) nabavili ista vozila po istim cijenama kao što glasi cijena ponude u ovom postupku javne nabavke (pribavljeni su računi).

Stoga je Komisija mišljenja da postupak javne nabavke treba nastaviti, obzirom da su u budžetu općine Srebrenik i u Planu javnih nabavki za 2017. godinu planirana i veća sredstva za predmetnu nabavku u odnosu na ponudu, i da su cijene date u ponudi, u odnosu na bosanskohercegovačko tržište, tržišne i prihvatljive za ugovorni organ.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz konkurentskog zahtjeva.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

#### **POUKA O PRAVNOM LIJEKU:**


Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđaču 1x,
2. Evidenciji,
3. Arhivi.



**OPĆINSKI NAČELNIK**

**Dr.sci. Nihad Omerović**